

Na osnovu člana 13. stav (4) Zakona o novčanim podrškama u poljoprivredi i ruralnom razvoju ("Službene novine Federacije BiH", br. 42/10 i 99/19) federalni ministar poljoprivrede, vodoprivrede i šumarstva, d o n o s i

PRAVILNIK
O IZMJENAMA I DOPUNAMA PRAVILNIKA O NAČINU I USLOVIMA
OSTVARIVANJA NOVČANE PODRŠKE PO MODELU POTICAJA PROIZVODNJI
Prečišćeni tekst („ Službene novine Federacije BiH“ broj 54/21)

Član 1.

U Pravilniku o načinu i uslovima ostvarivanja novčane podrške po modelu poticaja proizvodnji – prečišćeni tekst („Službene novine Federacije BiH“, broj 54/21 u članu 4. stav (1) alineja 3. iza riječi: „grahorice“ dodaju se riječi: „djetelinsko-travne smjese i djetelina“, u alineji 5. iza riječi: „mladi krompir“ dodaju se riječi: „kupus, lubenica, kelj i grah“, u alineji 7. iza riječi: „lješnjak i malina“ dodaju se riječi: „orah, badem, borovnica, brusnica i aronija“.

Član 2.

U članu 5. stav (4) alineja 1. iza riječi „18-sedmičnih pilenki“ dodaje se riječi „i brojlera“.

Član 3.

U članu 7. stav (1) , ispred riječi „Klijent“ dodaju se riječi „u skladu sa propisanim rokovima“ .

Član 4.

U članu 11. stav (1) tačka I) se mijenja i glasi:

„I) Ukoliko nisu osigurani uslovi za označavanje životinja od strane nadležne institucije na nivou Bosne i Hercegovine, u skladu sa Pravilnikom o obilježavanju i kontroli kretanja životinja u BiH („Službeni glasnik BiH“ br.13/10, 79/10, 25/11, 103/11, 41/12, 52/15, 2/16 i 66/16), klijenti su dužni postupiti u skladu sa uputama ovog Ministarstva i nadležne veterinarske stanice.

Član 5.

U članu 12. stav (1) tačka a) iza riječi „proda“ dodaju se riječi „ registrovanom otkupljivaču - prerađivaču hljebnih žitarica“.

Član 6.

U članu 13. stav (1) tačka b) iza riječi „ ima najmanje“ dodaju se riječi „ 5.000 kljunova peradi,“ u istoj tački, iza riječi „grla“ dodaje se riječ „/kljun“.

U stavu (3) tačka b) broj „ 25“ zamjenjuje se brojem „ 18 “.

Član 7.

Član 14. mijenja se i glasi:

„Član 14.

(Proizvodnja krmnog bilja - silažni kukuruz, stočni grašak, grahorice, djetelinsko-travne smjese i djetelina)

(1) Klijent ostvaruje pravo na novčanu podršku za proizvodnju silažnog kukuruza, stočnog graška, grahorice, djetelinsko - travne smjese i djeteline (samo u godini zasnivanja) , ako pored općih uslova propisanih članom 11. ovog pravilnika ispuni i sljedeće posebne uslove:

- a) zasnuje proizvodnju na oranicama silažni kukuruz, stočni grašak, grahoricu, djetelinsko-travnu smjesu i djetelinu na minimalno 2 ha po kulturi za vlastite potrebe ili za prodaju;
- b) da po 1ha zasijanog silažnog kukuruza, stočnog graška, grahorice, travno-djetelinske smjese ili djeteline u uzgoju ima najmanje 4 goveda ili 20 svinja, ovaca ili koza (kategorije iz Obrasca 4, RPG-a i RK), u vrijeme sačinjavanja zapisnika o proizvodnji za klijenta koji proizvodi za vlastite potrebe, dok klijent koji vrši prodaju umjesto dokaza za grla, dostavlja dokaz o prodaji najmanje 30 t/ha silažnog kukuruza, stočnog graška, grahorice, djetelinsko-travne smjese ili djeteline;
- c) podnese prijavu početka proizvodnje kantonalnom ministarstvu na Obrascu P-1 od 01.01. do 31.05. tekuće godine.

(2) Ovlašteni službenik je dužan tokom vegetacije, a najkasnije u roku od 60 dana od dana podnošenja prijave početka proizvodnje izvršiti obilazak mjesta proizvodnje klijenta i sačiniti zapisnik o zasijanoj površini - Obrazac ZBP.

(3) Za ostvarenje prava na novčanu podršku klijent najkasnije do 01.10. tekuće godine dostavlja kantonalnom ministarstvu u originalu ili ovjerenoj kopiji sljedeću dokumentaciju:

- a) popunjen Obrazac Z-1;
- b) dokaz o kupljenom sjemenu u skladu sa članom 11. stav (1) tačka c) ovog pravilnika (minimalno 18 kg/ha za silažni kukuruz, 100 kg/ha za stočni grašak i grahorice, 25 kg/ha za djetelinsko-travne smjese i djetelinu), a za donirano sjeme dokaz o vrsti i količini doniranog sjemena;
- c) dokaz o prodaji u skladu sa članom 11. stav (1) tačka (c) ovog pravilnika - za klijenta koji proizvodi za tržište, a klijent koji vrši proizvodnju za vlastite potreba, dostavlja dokaz u skladu sa stavom (1) tačka b) ovog člana.
- d) potvrdu o izmirenim obavezama u skladu sa članom 11. stav (3) ovog pravilnika.

(4) Kantonalno ministarstvo do 20.10. tekuće godine dostavlja Federalnom ministarstvu zahtjev i obračun kako je propisano članom 9. ovog pravilnika.

(5) Prijem, obrada i obračun zahtjeva se vrši u skladu sa čl. 7. 8. i 9. ovog pravilnika.“

Član 8.

Član 16. mijenja se i glasi:

„Član 16.

(Proizvodnja povrća - paradajz, paprika, krastavac, patlidžan, mrkva, cvekla, luk (bijeli/crveni), salata, mladi krompir, kupus, lubenica, kelj i grah)

(1) Klijent ostvaruje pravo na novčanu podršku za proizvodnju povrća ako pored općih uslova propisanih članom 11. ovog pravilnika, ispuni i sljedeće posebne uslove:

- a) zasnuje proizvodnju povrća u skladu sa Sjetvenim normama (iste se nalaze na web stranici Federalnog ministarstva), na minimalno 0,5 ha po kulturi i proda minimalno 15 t/ha paradajza, 8 t/ha mladog krompira, paprike, luka, patlidžana ili krastavca, 5 t/ha salate, cvekle ili mrkve, 15 t/ha kupusa, lubenice ili kelja i 1,5 t/ha graha.
- b) podnese prijavu početka proizvodnje kantonalnom ministarstvu na Obrascu P-1 od 01.01. do 31. 05. tekuće godine, a za mladi krompir do 01.05. tekuće godine.
- (2) Ovlašteni službenik je dužan u toku vegetacije, a najkasnije u roku od 60 dana, a za mladi krompir i salatu u roku od 30 dana od dana podnošenja prijave početka proizvodnje izvršiti obilazak mjesta proizvodnje klijenta i sačiniti zapisnik - Obrazac ZBP.
- (3) Za ostvarenje prava na novčanu podršku klijent najkasnije do 01.10., a za mladi krompir do 01.08. tekuće godine dostavlja kantonalnom ministarstvu u originalu ili ovjerenoj kopiji sljedeću dokumentaciju:
- a) popunjen Obrazac Z-1, (sa upisanim Fito-brojem za proizvodnju mladog krompira);
- b) dokaz o kupljenom sjemenu/presadnicama u skladu sa članom 11. stav (1) tačka c) ovog pravilnika, a za donirano sjeme/presadnice dokaz o vrsti i količini doniranog sjemena/presadnica;
- c) dokaz o prodaji u skladu sa članom 11. stav (1) tačka (c) ovog pravilnika, a klijent koji vrši i preradu proizvoda na vlastitom gazdinstvu, dostavlja knjigovodstvenu ispravu iz proizvodnje u preradu u skladu sa članom 2. stav (3) ovog pravilnika;
- d) potvrdu o izmirenim obavezama u skladu sa članom 11. stav (3) ovog pravilnika.
- (4) Kantonalno ministarstvo najkasnije do 20.10., a za mladi krompir do 01.09. tekuće godine dostavlja Federalnom ministarstvu zahtjev i obračun kako je propisano članom 9. ovog pravilnika.
- (5) Prijem, obrada i obračun zahtjeva se vrši u skladu sa čl. 7. 8. i 9. ovog pravilnika.“

Član 9.

U naslovu člana 18., iza riječi „maline“ dodaju se riječi „orah, badem, borovnica, brusnica i aronija“.

Član 10.

U članu 20. stav (1) tačka a), broj „0,3“ zamjenjuje se brojem „3,0“

Član 11.

U naslovu člana 25. riječi „ i nar“ brišu se, a dodaju se riječi „nar i badem“, a iza riječi „brusnica“ dodaje se riječ „ ,aronija“.

Član 12.

U članu 25a. stav (1) tačka b) se briše , a dosadašnja tačka „c)“ postaje tačka „b)“.

Član 13.

U članu 32. stav (4) mijenja se i glasi: „ Dokumentacija iz stava (3) tač. b) i e) se dostavlja jednom godišnje prilikom prve aplikacije“.

Član 14.

Iza člana 38. dodaje se novi član 38a, koji glasi:

„ 38a
(Uzgoj brojlera)

- (1) Klijent ostvaruje pravo na novčanu podršku za uzgoj brojlera, ako pored općih uslova propisanih članom 11. ovog pravilnika ispuní i sljedeće posebne uslove:
- a) uzgoji i prodá minimalno 5.000 brojlera od pilića iz domaćeg uzgoja u jednom turnusu;
 - b) vlasnik je proizvodnog objekta ili potpisnik Ugovora o zakupu objekta koji mora imati i veterinarski kontrolni broj;
 - c) ima zasnovan kooperantski odnos sa registrovanim otkupljivačem brojlera za koga vrši uslužni tov brojlera;
 - d) podnese prijavu o početku uzgoja brojlera kantonalnom ministarstvu na Obrascu P-1, (jedna prijava za sve turnuse) najkasnije do 31.05. tekuće godine;
- (2) Ovlašteni službenik je dužan obići mjesto proizvodnje u bilo kojoj fazi uzgoja i sačiniti zapisnik o utvrđenom stanju (kapacitetu objekta, broj zatečenih pilenki, vlasnički status objekta, veterinarski broj)
- (3) Za ostvarivanje prava na novčanu podršku klijent najkasnije do 01.10. tekuće godine, dostavlja kantonalnom ministarstvu u originalu ili ovjerenoj kopiji i sljedeću dokumentaciju:
- a) popunjen Obrazac Z-1;
 - b) dokaz o nabavci jednodnevnih pilića za tov u skladu sa članom 11. stav (1) tačka c) ovog pravilnika, sa upisanim broja pilića za svaki turnus;
 - c) ugovor o kooperantskom odnosu o plasmanu brojlera sa registrovanim otkupljivačem za koga vrši uslužni tov brojlera;
 - d) dokaz o prodaji brojlera u skladu sa članom 11. stav (1) tačka c) ovog pravilnika, sa upisanim brojem otkupljenih brojlera;
 - e) potvrdu o izmirenim obavezama u skladu sa članom 11. stav (3) ovog pravilnika.
- (4) Obračun novčane podrške za uzgoj brojlera se vrši za sve turnuse odjednom na osnovu broja utovljenih-plasiranih brojlera otkupljivaču od dana podnošenje Obrazca P-1 do 1.10. tekuće godine i zapisnika o uzgoju brojlera.
- (5) Kantonalno ministarstvo najkasnije do 20.10. tekuće godine dostavlja Federalnom ministarstvu zahtjev propisan članom 9. ovog pravilnika.
- (6) Prijem, obrada i obračun zahtjeva se vrši u skladu sa čl. 7. 8. i 9. ovog pravilnika“.

Član 15.

U članu 42. stav (2) broj „30.06“. zamjenju je se broje „31.05“, i broj „2021“. zamjenju je se brojem „2022“.

Član 16.

Ovaj pravilnik stupa na snagu narednog dana od dana objave u „Službenim novinama Federacije BiH“.

MINISTAR

mr.sci. Šemsudin Dedić

Broj: _____
Sarajevo, _____

OBRAZLOŽENJE

Pravilnika o izmjenama i dopunama Pravilnika o uslovima i načinu ostvarenja novčanih podrški po modelu poticaja proizvodnji

I. PRAVNI OSNOV

Na osnovu člana 13. stav (4) Zakona o novčanim podrškama u poljoprivredi i ruralnom razvoju („Službene novine Federacije BiH“, br. 42/10 i 99/19) kao i Programa novčanih podrški u poljoprivredi i ruralnom razvoju za 2022.godinu „Subvencije privatnim preduzećima i preduzetnicima - Poticaj za poljoprivredu“ („Službene novine Federacije BiH“, broj: 30/22), federalni ministar poljoprivrede, vodoprivrede i šumarstva donosi Pravilnik o izmjenama i dopunama Pravilnika o uslovima i načinu ostvarenja novčanih podrški po modelu poticaja proizvodnji („Službene novine Federacije BiH“, broj. 105/21).

II. RAZLOZI ZA DONOŠENJE

U Programu novčanih za poljoprivredu i ruralni razvoj (u daljnjem tekstu – Program) za 2022.godinu su, kao nove proizvodnje u okviru biljne proizvodnje uvedene podrške za krmno bilje kao što su djetelinsko-travne smjese i djeteline, zatim kod povrća su uvedene novčane podrške za kupus, lubenica, kelj i grah, a kod voća uvedene su podrške za orah, badem, borovnicu, brusnicu i aroniju, dok je kod Proizvodnje deklarisanog sadnog materijala – krošnjasto voće, uvedena podrška za badem, a kod jagodičastog voća za aroniju.

U animalnoj proizvodnji nije bilo uvođenja novih mjera osim u peradarskoj proizvodnji gdje je po prvi put uvedena podrška za uzgoj brojlera tj. za one klijent koji vrš uslužni tov pilića za registrovanog organizatora proizvodnje, odnosno otkupljivača.

S obzirom da ove proizvodnje nisu bile predmet novčanih podrški u proteklom periodu, to je iziskivalo da se za iste u Pravilniku o načinu i uslovima ostvarivanja novčane podrške po modelu poticaja proizvodnji, u ovom slučaju u izmjenama i dopunama navedenog Pravilnika propišu opći i posebni uslovi, neophodni za ostvarivanje prava na novčanu podršku.

Pored navedenog usklađivanja, a usljed povremenog nedostatka ušnih markica za obilježavanje životinja, propisana je odredba da, ukoliko nisu osigurani uslovi za označavanje životnja od strane nadležne institucije na nivou Bosne i Hercegovine, u skladu sa Pravilnikom o obilježavanju i kontroli kretanja životinja u BiH („Službeni glasnik BiH“ br.13/10, 79/10, 25/11, 103/11, 41/12, 52/15, 2/16 i 66/16), klijenti su dužni postupiti u skladu sa uputama ovog Ministarstva i nadležne veterinarske stanice.

Pored navedenog, bilo je potrebno izvršiti i određene tehničke korekcije u važećem Pravilniku u općim i posebnim uslovima, pa je ovom izmjenom izvršena dopuna član 13. Proizvodnja stočnog ječma, kukuruza, zobi i tritikala gdje je omogućeno i peradarima da mogu ostvariti pravo na novčanu podršku za ove proizvodnje uz ispunjavanje propisanih uslova., kao i korekcija člana 42. stav (2) kojom je produžen rok za podnošenje prijave proizvodnje na Obrascu P-1 za sve proizvodnje za koje su

u važećem pravilniku propisani rokovi za dostavljanje istog do 31.5.tekuće godine, kao i sačinjavanje zapisnika na terenu, produžava se maksimalno do 30.dana.

Prilikom izrade ove Izmjene i dopune Pravilnika korišteni su komentari, primjedbe i sugestije zainteresovane javnosti koje su pristizale u proteklom periodu, odnosno tokom primjene važećeg Pravilnika i izrade Programa novčanih podrški za 2022.godinu.

Tako je kroz javnu raspravu u vezi Programa novčanih podrški, koja se odvijala neposredno sa predstavnicima udruženja, saveza, zadruga i drugih zainteresiranih klijenata, kao i obavijesti putem naše web stranice, pristigao veliki broj komentara, prijedloga i sugestija koje se odnose i na važeći Pravilnik o načinu i uslovima ostvarivanja novčane podrške po modelu poticaja proizvodnji. Jedan broj tih primjedbi se upravo odnosio na one izmjene koje su i propisane u ovoj izmjeni Pravilnika, odnosno uvažene su one primjedbe koje su bile u skladu sa važećim propisima i koje je bilo moguće provesti. Imajući u vidu da je vrijeme stupanja na snagu ove izmjene i dopune ovog Pravilnika vrlo važan faktor za njegovu pravovremenu primjenu, kao i činjenica da smo kroz javnu raspravu u vezi Programa novčanih podrški za 2022. godinu prikupili dovoljno primjedbi koje su se odnosile i na Pravilnik o načinu i uslovima ostvarivanja novčane podrške po modelu poticaja proizvodnji.

Kao što je navedeno u ovom obrazloženju, ovom izmjenom i dopunom Pravilnika su obuhvaćene, prije svega, mjere koje su propisane u Programu novčanih podrški za 2022. godinu i da je za klijente izuzetno važno da se te mjere što prije propišu u Pravilniku, kako bi klijenti mogli ispoštovati propisane rokove i dostaviti dokumentaciju za ostvarivanje prava na novčanu podršku.

III USKLAĐENOST

U pogledu usklađenosti sa pravnim naslijeđem Europske unije (acquis), ne postoji odredba sekundarnih izvora prava EU sa kojom bi se propis mogao uporediti, radi dobijanja stepena njegove usklađenosti.

Predmetna oblast pravnog propisa-Pravilnik o uslovima i načinu ostvarenja novčanih podrški po modelu podrške proizvodnji, regulisana je kroz „Nacionalni propis“.

IV. PROVEDBENI MEHANIZMI I NAČIN OSIGURAVANJA

Službena kontrola i inspeksijski nadzor će se provoditi na način kako je to propisano važećim zakonskim i podzakonskim propisima.

V. FINANSIJSKA SREDSTVA

Za implementiranje ovoga Izmjena i dopuna ovog Pravilnika su planirana sredstva u Programu novčanih podrški za poljoprivredu i ruralni razvoj za tekuću godinu i nisu potrebna dodatna sredstva za realiziranje predviđenih mjera.